

Friday, July 3, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

NNS REFRESHER COURSE

India dan thar pathum (Naveen Nyaya Sanhita)- Bharatiya Nyaya Sanhita, Bharatiya Nagarik Suraksha Sanhita leh Bharatiya Sakshya Adhiniyam chungchang zirhona 'State Level Conference-cum-Joint Refresher Course' chu vawiin khan Mizoram Sawrkar, Mizoram State Legal Services Authority (MSLSA) leh Judicial Academy, Assam tangkawpte chuan Aijal Club-ah an buatsaih.

He hun hmanpuitu Home Minister Pu K.Sapdanga chuan hun inher chho zêlah organized crime leh technology hmanga thil sual tihna a pun zel avangin, India dan thar pathumte chu mipuite ngai pawimawh lehzuol zawk, rang zawka che chhuak thei, hun mamawh ang zela hmasawnna ruhrel leh theihna tihpun nan, science leh technology hman tangkai lehzuol nan leh tunlai khawtlang mamawh phuhhrûkna turin India ram chhung criminal justice system siamthatna tura duan a ni, a ti a. Amaherawhchu, Minister chuan dan siamthat hlawhtlinna chu mipui leh dan kengkawhtuten Naveen Nyaya Sanhita an hriatthiam dan leh kenkawh anih danah a innghat a ni tih sawiin, kalkhawmte chu vawiin programme hi hlawk leh tangkai taka hmang turin leh criminal justice system tihchakna kawngah an thawhhlawk lehzuol a, mipuite chanvo leh dikna an humhalh theih zel nan duhsakna a hlan a hlan a ni.

He hunah hian General Administration Department-a Executive Magistrate-te, GHC Aizawl Bench-a Judicial Officer-te, National Informatics Centre official-te, Government Advocate-te bakah Home, Health & Family Welfare leh L&J Department-a official thawkte thahnem tak an tel a ni.



MPCC

MPCC President Pu Lal Thanzara chuan Mizoram zim te, mi tlemte chenna, intodelh lo lehngal, Kristian zaa za awmna nia miten an hriat hian BJP lo lian zel leh an hmalakna hi ngaihawh nachang an hriat a, dodalna chang an hre lo a nih chuan nakinah inchhirin ban a chen ang tih a hlauhawm, a ti.

Vawiin Congress Bhavan Golden Hall ah 'Political Session' neih-ah he thu hi sawiin, BJP sorkar hian Foreign Contribution Regulation Act (FCRA) hmangin NGO 20,000 chuang license a renew sak duh tawh lova, hei vang hian damdawi in, fahrah chawmna, zirna in hrang hrang kohhran leh Kristian group tena an enkawl te chuan harsatna namenlo an tawk tih a sawi a. BJP ten an tum anga an kaltlangpui lui a nih chuan Christian Institution te hi che thei lovin siam an ni dawn niin a sawi a.

Mizoram Synod hnuaia kohhran te pawhin Pathianni kalta khan he dan siamthat tumna hi kaltlangpui lo turin tawngtairualna an neih thu a sawi. Congress

ten an ngaihkawha an tlangau zel loh chuan ZPM leh MNF te hi chuan an tlangaupui ngam a rin loh thu a sawi a ni.



GST

Thu dik tawklo leh documents lem hmanga Goods and Services Tax(GST) registration dil an awm tih hmuhchhuah a ni.

Mizoram Sawrkar hnuaia Taxation Department officer-ten risk-based scrutiny, data analysis leh physical verification an kalpui mek atangin GST registration dilna thenkhatte chu thu dik tawklo leh document lem hmanga dil an ni tih hmuchhuah a ni a,

Registration diltu thenkhatte chu an sumdawnna hmun anga an sawiah hmuh tur an awm lova, an dilnaa document an thehluhte pawh finfiah theih a ni lo tih hmuhchhuak in , dilna thenkhatah phei chuan in leh dawr luah tur neitute hriat miah lohvin an hming hmangin dilna an lo thehlut thin tih an hmuchhuak tih an thuchhuah a tarlan a ni.

Mizoram Goods and Services Tax Act, 2017 dan in a sawi angin hmalak dan tur ngaihtuah mek a nih thu tarlang in mipuite, in neitute leh sumdawnna kalpuitute chu an identity document, an address, an mobile number, an e-mail address leh an personal information dangte GST registration atan emaw, sumdawnna dang atan emaw hmantura dil an nih pawhin lo hmantir phal lo turin Taxation Department chuan mipuite a ngen a ni.



MPCC

MPCC President Pu Lal Thanzara chuan Mizoram zim te, mi tlemte chenna, intodelh lo lehngal, Kristian zaa za awmna nia miten an hriat hian BJP lo lian zel leh an hmalakna hi ngaihkawh nachang an hriat a, dodalna chang an hre lo a nih chuan nakinah inchhirin ban a chen ang tih a hlauhawm, a ti.

Vawiin Congress Bhavan Golden Hall ah 'Political Session' neih-ah he thu hi sawiin, BJP sorkar hian Foreign Contribution Regulation Act (FCRA) hmangin NGO 20,000 chuang license a renew sak duh tawh lova, hei vang hian damdawi in, fahrah chawmna, zirna in hrang hrang kohhran leh Kristian group tena an enkawl te chuan harsatna namenlo an tawk tih a sawi a. BJP ten an tum anga an kaltlangpui lui a nih chuan Christian Institution te hi che thei lovin siam an ni dawn niin a sawi a. Mizoram Synod hnuaia kohhran te pawhin Pathianni kalta khan he dan siamthat tumna hi kaltlangpui lo turin tawngtairualna an neih thu a sawi. Congress ten an ngaihkawha an tlangau zel loh chuan ZPM leh MNF te hi chuan an tlangaupui ngam a rin loh thu a sawi a ni.



COMMERCE & INDUSTRIES MINISTRY

Commerce & Industries Department-in Industrial Area hrang hrang Export Promotion Industrial Park (EPIP), Lengte; Industrial Growth Centre (IGC), Luangmual leh Industrial Estate, Zuangtui ram chhunga Sorkar phalna nei loa hmun hma lo khuar leh chenna a tana hmangete chu tun thla ni 31 hmaa Industrial Area chhuahsan turin a hriattir a.

Department Land Lease chhungah hian Revenue Pass siam thar theih a ni lova; chuvangin, ram zuar an awm pawhin, dan phal loh a ni a, tumahin lo lei sak lo turin Commerce & Industries chuan a ngen a ni.



CADS

June thla chhung khan CYMA hnuai-a CADS chuan Heroin hawng 92, Heroin (Tictac) 160, Heroin (Bagha Cap) 156, Heroin (chhinsen) 23, Ganja Gram 946, Pills tablet 462 man a ni a, ruihhlo leh a kaihhnawih ah mihring 126 man an ni a, Counselling a kaltir 87, Excise & Narcotic a hlan 16, Home-a dah 2, Silai (M4 Carbine 1 lei silai mu 9 man a ni.

